



Vogošća, ul. Jošanička, br. 80; tel: 00387 33 586 413, fax: 586 444

Broj: 07-11-511/26

Vogošća, 29.06.2026. godine

Na osnovu člana 70. Zakona o javnim nabavkama BiH ("Službeni glasnik BiH" broj: 39/14, 59/22 i 50/24), i čl. 71. i 125. Statuta Općine Vogošća ("Službene novine Kantona Sarajevo", broj: 27/14, 14/15, 9/20 i 23/24), po ovlaštenju Općinskog načelnika Pomoćnik načelnika dana 29.06.2026. godine donio je

ODLUKU
O IZBORU NAJPOVOLJNIJEG PONUĐAČA ZA NABAVKU RADOVA NA
VODOSNABDIJEVANJU GORNJIH ZONA NASELJA KRIVOGLAVCI I SVRAKE NA
PODRUČJU OPĆINE VOGOŠĆA - V FAZA (IZGRADNJA DISTRIBUTIVNOG CJEVOVODA
KRIVOGLAVCI II)

Član 1.

Ponuda ponuđača "Manjo" d.o.o. Sarajevo, ulica Ferde Hauptmana br. 7, Sarajevo, odabrana je za nabavku radova na vodosnabdijevanju gornjih zona naselja Krivoglavci i Svrake na području općine Vogošća - V faza (izgradnja distributivnog cjevovoda Krivoglavci II), kao prvoplasirana na Rang listi, sa ponuđenom ukupnom cijenom nabavke u iznosu od 497.000,00 KM bez uračunatog PDV-a, odnosno 581.490,00 KM sa uračunatim PDV-om.

Član 2.

Odluka o izboru najpovoljnijeg ponuđača će biti objavljena na web stranici Općine Vogošća, istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama BiH.

OBRAZLOŽENJE

Općinski načelnik je dana 16.04.2026. godine donio Odluku o pokretanju Otvorenog postupka nabavke radova na vodosnabdijevanju gornjih zona naselja Krivoglavci i Svrake na području općine Vogošća - V faza (izgradnja distributivnog cjevovoda Krivoglavci II), zajedno sa objavljivanjem Obavještenja o nabavci i tenderske dokumentacije na Portalu javnih nabavki BiH dana 21.04.2026. godine pod brojem: 1353-1-3-89-3-93/26.

Sažetak Obavještenja o nabavci objavljen je u "Službenom glasniku BiH" broj: 33/26 od 08.05.2026. godine.

Tendersku dokumentaciju sa Portala javnih nabavki BiH je preuzelo 26 (dvadesetšest) ponuđača.

Krajnji rok za dostavu ponuda bio je 12.05.2026. godine do 10:00 sati, te je izvršeno javno otvaranje ponuda, što je konstatovano Zapisnikom sa otvaranja ponuda od 12.05.2026. godine.

Nakon izvršenog otvaranja ponuda, Komisija za javne nabavke je pristupila analizi dokumentacije priložene uz ponude, u smislu provjere njihove validnosti, s obzirom na iskazane zahtjeve ugovornog organa u Tenderskoj dokumentaciji broj: 07-11-511/26 iz aprila 2026. godine, odnosno pregledu ponuda u skladu sa procedurama i pravilima utvrđenim Tenderskom dokumentacijom, te Zakonom o javnim nabavkama BiH i pripadajućim podzakonskim aktima.

Shodno navedenom Zapisniku sa otvaranja ponuda, Komisija za javne nabavke je konstatovala da je zaprimljeno 8 (osam) ponuda i to:

R.B.	NAZIV PONUĐAČA/GRUPE PONUĐAČA	UKUPNA CIJENA (KM) bez PDV-a	POPUST	CIJENA (KM) SA POPUSTOM bez PDV-a	UKUPNA CIJENA (KM) sa PDV-om
1.	Konzorcij "Ame" d.o.o. Breza i „Kopex-Dodig“ d.o.o. Čitluk	572.444,40	/	/	669.759,95
2.	"Ted Invest" d.o.o. Sarajevo	571.831,97	/	/	669.043,41
3.	"Unioninvest" d.d. Sarajevo	572.975,06	/	/	670.380,82
4.	"Mibral" d.o.o. Sarajevo	572.943,81	/	/	670.344,26
5.	"Manjo" d.o.o. Sarajevo	572.623,83	/	/	669.969,88
6.	"Harysco" d.o.o. Sarajevo	572.991,07	/	/	670.399,55
7.	"Hidrom" d.o.o. Vogošća	572.166,36	/	/	669.434,64
8.	Konzorcij „Hik-Net“ d.o.o. Sarajevo, „Hidroinvest“ d.o.o. Sarajevo i „Zlata-trans“ d.o.o. Sarajevo	572.939,85	/	/	670.339,62

Uvidom u priloženu dokumentaciju i suštinskom provjerom sadržaja i validnosti iste, Komisija za javne nabavke je utvrdila sljedeće:

Ponuda ponuđača Konzorcij "Ame" d.o.o. Breza i „Kopex-Dodig“ d.o.o. Čitluk ne ispunjava formalno-pravne uslove tražene Tenderskom dokumentacijom i to:

Tačkom 7.4.1. Tenderske dokumentacije navedeno je da uskladu sa članom 51. Zakona, Ponuđač je dužan ispuniti sljedeće uslove tehničke i profesionalne sposobnosti:

- a) da je u posljednjih 5 (pet) godina računajući od dana podnošenja ponude, kao izvođač radova realizovao minimalno jedan ugovor čiji je karakter i kompleksnost isti onom koji se odnosi na predmetnu nabavku u ukupnom iznosu od 570.000,00 KM bez PDV-a ili više pojedinačnih ugovora u ukupnom zbiru od 570.000,00 KM bez PDV-a.

Nadalje, tačkom 7.4.2. U svrhu dokazivanja ispunjavanja uslova iz tačke 7.4.1. ponuđači su dužni u ponudi dostaviti sljedeće pismene dokaze:

- a) spisak izvršenih ugovora u ukupnom iznosu od 570.000,00 KM bez uračunatog PDV-a u posljednjih 5 (pet) godina računajući od dana podnošenja ponude-referenc lista, koju sačinjava ponuđač na svom memorandumu sa potvrđama o izvršenim ugovorima od druge ugovorne strane (Naručioca) u skladu sa članom 48. stav 2. Zakona.

Ukoliko se potvrde o izvršenim radovima ne mogu obezbijediti iz objektivnih razloga, ponuđač će dostaviti izjavu o uredno izvršenim poslovima uz predocjenje dokaza o učinjenim pokušajima da se takve potvrde osiguraju.

Napomena I: Dokazi koji se dostavljaju moraju biti originali ili ovjerene kopije.

Napomena II: Potvrda o izvršenim radovima koju izdaje druga ugovorna strana (naručilac) obavezno treba da sadrži: naziv i sjedište ugovornih strana, predmet ugovora, vrijednost ugovora, vrijeme i mjesto izvršenja ugovora te navode o uredno izvršenim ugovorima.

Ponuđač Konzorcij "Ame" d.o.o. Breza i „Kopex-Dodig“ d.o.o. Čitluk je u ponudi dostavio potpisan i ovjeren Spisak izvršenih ugovora ponuđača "Ame" d.o.o. Breza, broj: 21-01/26 od 04.05.2026. godine i Spisak izvršenih ugovora ponuđača „Kopex-Dodig“ d.o.o. Čitluk od 07.05.2026. godine na memorandumu Ponuđača, u kojem su navedeni ugovori koje su ponuđači realizovali u proteklih 5 godina.

Međutim, uvidom u potvrde izdate od druge ugovorne strane, u kojima je naveden predmet ugovora, samo se neke odnose isključivo na radove koji su predmet ovog postupka nabavke, tačnije na radove na izgradnji vodovodnih instalacija, dok su se neke potvrde odnosile na sanaciju ulice koja je osim vodovodnih instalacija podrazumjevala i radove na sanaciji i rekonstrukciji ceste.

U skladu sa odredbom člana 3. Stav 1. Zakona o javnim nabavkama BiH ("Službeni glasnik BiH", broj 39/14, 59/22 i 50/24), u cilju transparentnog postupanja i jednakog tretmana svih ponuđača koji učestvuju u postupku nabavke, Općina Vogošća kao ugovorni organ je zatražila dostavu podataka od Grada Široki Brijeg i od Opštine Ljubinje o vrijednosti izvedenih radova za koje su izdali potvrde o uspješnoj realizaciji ugovora, a koji radovi se odnose na izgradnju i rekonstrukciju vodovodne mreže. Nakon što su Grad Široki Brijeg i Opština Ljubinje mailom dostavili tražene podatke Komisija je konstatovala da je iznos radova na izgradnji i sanaciji vodovodnih instalacija manji od 570.000,00 KM kako je traženo Tenderskom dokumentacijom.

Imajući u vidu da je tenderskom dokumentacijom traženo da je ponuđač u posljednjih 5 (pet) godina realizovao minimalno jedan ugovor ili više pojedinačnih ugovora čiji je karakter i kompleksnost isti onom koji se odnosi na predmetnu nabavku u iznosu od 570.000,00 KM, Komisija je konstatovala da ponuđač ne ispunjava kvalifikacione uslove postavljene Tenderskom dokumentacijom.

Zbog prethodno navedenog, a u skladu sa odredbom člana 2. stav I alineja 2 i člana 68. stav 4. alineja i) Zakona o javnim nabavkama BiH ("Službeni glasnik BiH", broj 39/14, 59/22 i 50/24) predmetna ponuda je neprihvatljiva jer ne ispunjava kriterije za kvalifikaciju privrednog subjekta.

Ponuda ponuđača Konzorcij „Hik-Net“ d.o.o. Sarajevo, „Hidroinvest“ d.o.o. Sarajevo i „Zlata trans“ d.o.o. Sarajevo ne ispunjava formlno-pravne uslove tražene Tenderskom dokumentacijom, odnosno ponuđač je u ponudi dostavio dvije neovjerene kopije potvrda o uspješno izvršenim ugovorima.

Naime, Tenderskom dokumentacijom u tački 7.4.1. a) navedeno je:

- a) da je u posljednjih 5 (pet) godina računajući od dana podnošenja ponude, kao izvođač radova realizovao minimalno jedan ugovor čiji je karakter i kompleksnost isti onom koji se odnosi na predmetnu nabavku u ukupnom iznosu od 570.000,00 KM bez PDV-a ili više pojedinačnih ugovora u ukupnom zbiru od 570.000,00 KM bez PDV-a.

Nadalje, tačkom 7.4.2. U svrhu dokazivanja ispunjavanja uslova iz tačke 7.4.1. ponuđači su dužni u ponudi dostaviti sljedeće pismene dokaze:

- a) spisak izvršenih ugovora u ukupnom iznosu od 570.000,00 KM bez uračunatog PDV-a u posljednjih 5 (pet) godina računajući od dana podnošenja ponude-referenc lista, koju

sačinjava ponuđač na svom memorandumu sa potvrdama o izvršenim ugovorima od druge ugovorne strane (Naručioca) u skladu sa članom 48. stav 2. Zakona. Ukoliko se potvrde o izvršenim radovima ne mogu obezbijediti iz objektivnih razloga, ponuđač će dostaviti izjavu o uredno izvršenim poslovima uz predocjenje dokaza o učinjenim pokušajima da se takve potvrde osiguraju.

Napomena I: Dokazi koji se dostavljaju moraju biti originali ili ovjerene kopije.

Napomena II: Potvrda o izvršenim radovima koju izdaje druga ugovorna strana (naručilac) obavezno treba da sadrži: naziv i sjedište ugovornih strana, predmet ugovora, vrijednost ugovora, vrijeme i mjesto izvršenja ugovora te navode o uredno izvršenim ugovorima.

Ponuđač je u ponudi dostavio Potvrde o uspješno izvršenom ugovoru broj: EA-245-04/26 od 28.04.2026. godine i broj: EA-246-04/26 od 28.04.2026. godine izdate od strane firme "Euro-asfalt" d.o.o. Sarajevo, ali u običnoj kopiji u boji i neovjerene, iako se tenderskom dokumentacijom tražilo da: "Dokazi koji se dostavljaju moraju biti originali ili ovjerene kopije". Potvrde izdate od firme „Toplane Sarajevo“ d.o.o. Sarajevo broj: 03-02-01-2022-050302/22 od 08.04.2022. godine i broj: 03-02-01-2863-030502/23 od 17.04.2022. godine, Komisija je ocijenila kao neprihvatljive jer se odnose na radove na postojećim distributivnim mrežama toplovođa, dok je predmet ove nabavke izgradnja vodovodne mreže.

Potvrdu izdatu od firme „Euromont“ d.o.o. Sarajevo od 01.04.2025. godine Komisija je ocijenila kao neprihvatljivu jer se odnosi na radove na izgradnji potpornog zida, dok je predmet ove nabavke izgradnja vodovodne mreže.

Preostale potvrde dostavljene uz ponudu Komisija je ocijenila kao prihvatljive i u skladu sa Tenderskom dokumentacijom, međutim njihov zbir je manji od od 570.000,00 KM bez PDV-a.

Zbog prethodno navedenog, a u skladu sa odredbom člana 2. stav I alineja 2 i člana 68. stav 4. alineja i) Zakona o javnim nabavkama BiH ("Službeni glasnik BiH", broj 39/14, 59/22 i 50/24) predmetna ponuda je neprihvatljiva jer ne ispunjava kriterije za kvalifikaciju privrednog subjekta.

Detaljnim postupkom pregleda i ocjene ponuda, Komisija za javne nabavke je utvrdila da Ponude ponuđača/grupe ponuđača:

- "Ted Invest" d.o.o. Sarajevo,
- "Unioninvest" d.o.o. Sarajevo,
- "Mibral" d.o.o. Sarajevo,
- "Manjo" d.o.o. Sarajevo,
- "Harysco" d.o.o. Sarajevo i
- "Hidrom" d.o.o. Vogošća

ispunjavaju formalno-pravne uslove, odnosno zahtjeve ugovornog organa tražene Tenderskom dokumentacijom.

Zatim je Komisija za javne nabavke pristupila razmatranju finansijskog dijela pristiglih ponuda ponuđača, te je izvršena računska provjera dostavljenih ponuda i utvrđeno je da nema računskih grešaka, a sve u skladu sa odredbom člana 17. stav 1. Uputstva za pripremu modela tenderske dokumentacije i ponuda ("Službeni glasnik BiH" broj: 90/14 i 20/15).

Tenderskom dokumentacijom-tačkom 9.4. (Ispravka računskih grešaka i E-aukcija), a u skladu sa Pravilnikom o uslovima i načinu korištenja E-aukcije ("Službeni glasnik BiH" broj: 80/23) predviđen je postupak E-aukcije, koji uključuje podnošenje novih cijena, izmijenjenih naniže, ili cijena i novih (poboljšanih) vrijednosti koje se odnose na određene elemente ponuda, a odvija se nakon početne ocjene ponuda i omogućava njihovo rangiranje pomoću automatskih metoda ocjenjivanja u informacionom sistemu E-nabavke.

E-aukcija je bila zakazana za 25.06.2026. godine u 14:10 sati.

Nakon provedenog postupka E-aukcije i po završetku iste, a u skladu sa Izvještajem o toku i završetku E-aukcije od 25.06.2026. godine, Komisija za javne nabavke je sačinila sljedeću Rang listu u Otvorenom postupku za nabavku radova na vodosnabdijevanju gornjih zona naselja Krivoglavci i Svrake na području općine Vogošća - V faza (izgradnja distributivnog cjevovoda Krivoglavci II) kako slijedi:

R.B.	NAZIV PONUĐAČA	UKUPNA CIJENA (KM) bez PDV-a	UKUPNA CIJENA (KM) sa PDV-om
1.	"Manjo" d.o.o. Sarajevo	497.000,00	581.490,00
2.	"Unioninvest" d.d. Sarajevo	498.000,00	582.660,00
3.	"Ted Invest" d.o.o. Sarajevo	571.831,97	669.043,41
4.	"Hidrom" d.o.o. Vogošća	572.166,36	669.434,64
5.	"Mibral" d.o.o. Sarajevo	572.943,81	670.344,26
6.	"Harysco" d.o.o. Sarajevo	572.991,07	670.399,55

Iz navedenih razloga, a primjenom člana 64. stav 1. tačka b) Zakona o javnim nabavkama BiH ("Službeni glasnik BiH" broj: 39/14, 59/22 i 50/24), Komisija za javne nabavke je jednoglasno dala preporuku Općinskom načelniku da donese Odluku o izboru najpovoljnijeg ponuđača "Manjo" d.o.o. Sarajevo, za nabavku radova na vodosnabdijevanju gornjih zona naselja Krivoglavci i Svrake na području općine Vogošća - V faza (izgradnja distributivnog cjevovoda Krivoglavci II), kao prvoplasiranom na Rang listi, sa ponuđenom ukupnom cijenom nabavke u iznosu od 497.000,00 KM bez uračunatog PDV-a, odnosno 581.490,00 KM sa uračunatim PDV-om.

Pouka o pravnom lijeku: Ponuđač koji je učestvovao u postupku nadmetanja može radi zaštite svojih prava, u roku od deset dana od prijema Odluke o izboru najpovoljnijeg ponuđača izjaviti žalbu. Žalba se podnosi Uredu za razmatranje žalbi BiH putem ugovornog organa.

**PO OVLAŠTENJU OPĆINSKOG NAČELNIKA
POMOĆNIK NAČELNIKA**

Fetah Kadrić

Dostavljeno:

1. "Ame" d.o.o. Breza (voditelj Konzorcija)
2. "Tedinvest" d.o.o. Sarajevo
3. "Unioninvest" d.d. Sarajevo
4. "Mibral" d.o.o. Sarajevo
5. "Manjo" d.o.o. Sarajevo

ame@bih.net.ba
tedinvestdoo@gmail.com
sanja.saf@unioninvest.net
info@mibral.ba
info@manjo.ba

6. "Harysco" d.o.o. Sarajevo
7. "Hidrom" d.o.o. Vogošća
8. "Hik-Net" d.o.o. Sarajevo (voditelj Konzorcija)
9. Nadležnoj Službi
10. U dosije
11. a/a

nerminazeco.harysco@gmail.com
hidromdoo@hotmail.com
hiknetdoo@gmail.com

Akt izradila: Meliha Čolpa

Akt kontrolisala: Đejna Sarač

Akt odobrila: Đejna Sarač

DOSTAVLJENI AKT JE ISTOVJETAN ORIGINALU KOJI SE NALAZI U SPISU PREDMETA